

episcopi Paphensis et reverendissimi domini Marci Antonii Regini Protonotarii apostolici, eos in ipsarum decimarum collectores et exactores, una cum reverendissimo domino Patriarca nostro nominavimus ac tenore praesentium nominamus, cum omni capacitate et facultate eas petendi, exigendi et colligendi, ac omnia alia faciendi, aliisque omnibus modis et conditionibus prout in dicto brevi latius continetur, cuius tenor erit inferius de verbo ad verbum descriptus. Declarantes, quod pecuniae quae de huiusmodi decimis exigentur de tempore in tempus, mittantur ad officium Gubernatorum nostrorum introituum, ad hoc ut de eis teneatur particulare computum, accepti expensique rationes omni tempore videri possint. Mandantes universis et singulis rectoribus, officialibus, camerariis, magistratibus et representatibus nostris, ut huiusmodi denominationem nostram observare et observari faciant et debeant, praestando eisdem reverendis dominis collectoribus pro exactione huiusmodi facienda omne auxilium et favorem prout ab eis fuerint requisiti, sicuti pro eorum obedientia facturos non dubitamus. Tenor vero ipsius brevis, de quo supra, talis est. A tergo dilectis filiis nobili viro Andreae Gritti duci et Dominio Venetiarum. Intus. Clemens Papa VII Dilecti filii salutem et apostolicam benedictionem. Exponi nobis nuper fecistis per dilectum filium Marcum Foscarum patritium venetum vestrum apud nos oratorem, quod licet nos alias ad praeces vestras per ipsum Marcum etiam tunc potestas ex causis rationalibus et piis tunc expressis, de venerabilium fratrum nostrorum S. R. E. Cardinalium consilio et assensu duas decimas ex omnibus et singulis illius anni fructibus redditibus et proventibus quarumcumque Cathedralium etiam Metropolitanarum aliarumque ecclesiarum, prioratum, monasteriorum et beneficiorum ecclesiasticorum saecularium et regularium etiam militiarum in Dominio et Ditione vestris consistentium, per personas tam exemptas quam non exemptas, illa quomodolibet obtinentes et fructus ipsos etiam ex causa reservationum, pensionum etiam a similibus decimis exemptarum percipientes, personis eorundem Cardinalium ac S. Joannis Hierosolimitani, ac B. Mariae Teutonicorum militibus dumtaxat exceptis persolvendas et in causas tunc expressas convertendas et exponendas imposuerimus certis exactoribus desuper deputatis, prout in aliis nostris inde sub plumbo sub datum, videlicet Romae quinto Calendas Maii, Pontificatus nostri anno primo, confectis litteris plenius continetur. Tamen, cum adhuc vigeant cau-

sae propter quas contra desiderium nostrum dictas decimas imposuimus, cogimur etiam ad praesens inviti praesertim ut marittima via loca piratis illa quotidie invadentibus tueri et defendere possitis, ad quorum tuitionem et defensionem non solum laicorum bona, sed etiam fructus ecclesiarum, beneficiorum in Dominio vestro consistentium sunt plurimum necessarii, supplicari propterea nobis per eundem Marcum oratorem humiliter curastis, ut quod personae ecclesiasticae fructus ex beneficiis ecclesiasticis in toto vestro Dominio consistentibus percipientes, ad quas non minus quam ad laicos pertinent dicta loca et terras et pyratarum incursionibus conservari, vobis in hoc ulterius subsidium porrigant providere de benignitate apostolica dignemur, Nos igitur, piis praecibus vestris libenter annuentes ac de venerabilibus fratribus nostris archiepiscopis, episcopis, ac dilectis filiis electis, administratoribus, abbatibus, prioribus, praepositis, praelatis, capitulis, conventibus ac clero civitatum et Diocesium, terrarum, castrorum, villarum et locorum eisdem vestro Dominio ac Reipublicae mediate vel immediate subiectorum et sub ipsius Dominio et ditione consistentium, ulteriorem in Domino fiduciam summentes et nobis persuadentes quod ipsi quorum interest Rempublicam vestram loca sibi subiecta ab omni molestia conservare posse, etiam sua sponte in hoc subvenirent. Duae alias veras et integras decimas ex omnibus et singulis fructibus, redditibus et proventibus ecclesiasticis quarumcumque cathedralium etiam metropolitanarum, aliarumque ecclesiarum, prioratum, monasteriorum, et beneficiorum ecclesiasticorum saecularium et ordinum quorumcumque regularium etiam militiarum, non tamen S. Joannis Hierosolimitani et Beatae Mariae Theuthonicorum in Dominio et ditione eiusdem vestrae Reipublicae consistentium, ab eisdem archiepiscopis, episcopis electis administratoribus, comendariis et abbatibus, caeterisque personis ecclesiasticis, saecularibus et regularibus ordinum et militiarum quorumcumque exemptis et non exemptis in predicto Dominio beneficia ecclesiastica obtinentibus, et fructus bonorum beneficiorum huiusmodi etiam ex reservatione aliquarum annuarum pensionum ab omni decima subsidio ac onere quavis etiam auctoritate apostolica, et ex quavis causa, etiam in favorem fabbricae basilicae Principis apostolorum de Urbe, ut cruciatae et expeditionis contra infideles aut alios quosvis orthodoxae fidei hostes pro tempore impositarum liberarum et exemptarum, habentibus